

> *Frapad*

An Eil Brezel-bed

☑ 1 - Lenn ha kompren

Pennad digeriñ

Ur pennad eus Otto, eñvorennoù un

arzhig kof plouz, gant Tomi Ungerer

Ur pennad eus Frederig, gant Hans-Peter Richter

Lenn un danevell klok, boazañ ouzh brezhoneg Gwened : Enor d'an holl re, gant Daniel Doujet

☑ 2 – Selaou ha kompren

Rezistanted : video

Rezistanted : video

☑ 3 – Skrivañ

Otto, eñvorennoù un arzhig kof plouz : ijinañ ar pezh a c'hoarvezo goude

☑ 4 – Komz didroc'h

Bezañ gouest da ziverrañ dre gomz testennoù al lajad

☑ 5 – Komz / divizout

☑ Yezhadur/geriaoueg

Furmoù boas bezañ ha kaout

Adwelout an amzer-demenet-strizh

☑ Sevenadur, istor ha douaroniezh Breizh

Gouzout lec'hiañ war kartenn Breizh ar c'hêrioù meneget er pennad-digeriñ



Pennad-digeriñ

Aloubet e voe Breizh gant an armeoù alaman etre ar 17 hag an 21 a viz Even 1940. Gwashañ taol an devezhioù-se e voe bombezadegoù ti-gar Roazhon d'ar 17. 800 den da nebeutañ a voe lazhet. Diouzhtu e oa bet lakaet ur velestradurezh alaman da ren Breizh ha dont a reas listri-spluj e porzhioù Brest hag an Oriant.

An aloubiñ

Diwar ar 80 kannad ha senedour a nac'has reiñ an holl c'halloudoù da b/Pétain e oa 7 eus Penn-ar-Bed. Met evel e Bro-C'hall e oa Breizh kentoc'h a-du gant renadur Vichy dre vras. Ret e voe gortoz ar bloavezh 1941 evit ma teufe al liammoù da laoskaat e-keñver ar sistem politikel kilstourmer-se. Dister-kenañ e voe ar c'henlabour (politikel pe soudardel) e Breizh : war-dro 0,30% eus ar Vreizhiz.

Pounner e voe ar rekizadurioù avat : etre 50% ha 60% eus ar saout a yeas gant an arme alaman da skouer. War-dro 10%



Brest e dibenn an Eil Brezel-bed

eus an dud yaouank a voe galvet da vont da labourat da Alamagn. Ar re a voe lakaet da sevel Moger ar Meurvor Atlantel a oa prizonidi eus broioù all. Diwar 1942 e voe niverus ar bombezadegoù, dreist-holl e Sant-Nazer, Naoned, An Oriant, Brest ha Sant-Maloù.

Ar Rezistañs hag an dieubidigezh

Kerkent ha dibenn miz Even 1940 ez eas an darn vrasañ eus gwazed Enez Sun da Londrez davet ar jeneral de Gaulle. Betek hanter 1941 e veze graet taolioù ar Rezistañs gant strolladoù hep darempred etrezo, ha



Rezistanted eus An Uhelgoad

rouez a-walc'h. E 1943 e oa damheñvel kenfeur ar rezistanted ouzh hini Bro-C'hall, da lavarout eo etre 1% ha 2% eus ar boblañs. Niverus a-walc'h e oant koulskoude evit gellout krouiñ un tamm disurentez amañ hag ahont, ha diwezhatoc'h, evit gellout stourm ouzh tolpadou alaman, evel e Sant-Marc'hell d'an 28 a viz Even 1944.

Ne grogas dieubidigezh Breizh nemet goude toull-freiz Avranches degouezhet

d'an 31 a viz Gouere 1944. D'ar mare-se e gant hini 1914-1918 e voe pounner-kenañ an oa war-dro 150 000 Alaman e Breizh, ur dismantrou. Meur a gêr, evel Sant-Maloù, rejimant kanolierzh hag unanennoù Brest, An Oriant, Sant-Nazer ha Naoned a nijerezh. D'ar 4 a viz Eost 1944 edo ar voe dismantret. Kalz a zigresk a oa gant Gevredidi e Roazhon, d'ar 6 e oant produadurioù al labour-douar, hentoù ha degouezhet e Sant-Brieg, ha d'an 9 dirak savaduroù daremprediñ (pontoù, tiez-gar, «chakod» Brest. Betek an 18 a viz porzhioù-mor), labouradegoù ha kêrioù a oa Gwengolo e padas seziz kêr. Betek arsav- da adsevel.

brezel an 8 a viz Mae 1945 e padas ar stourm e «chakodoù» an Oriant ha Sant-Nazer.

***Diwar Istor Breizh,
gant Loeiz Elegoet***

Tenn e voe ar pevar bloavezh dalc'hidigezh. Ma voe degaset nebeutoc'h a goll e-touez an dud gant ar brezel-mañ evit

1 - Pet den a voe lazhet pa voe bombezet ti-gar Roazhon?

2 – Ha Bretoned eo a voe lakaet da sevel Moger ar Meurvor Atlantel?

3 – Eus pelec'h e Breizh e teue an dud az eas da gaout de Gaulle e 1940?

4 – Hervezout, perak e voe bombezet kêrioù evel Brest, An Oriant, Sant-Nazer pe sant-Maloù?

5 - Klokaat an daolenn gant titouroù a zo en destenn

darvoud, tud...	sifr
	150000
	10,00%
	Etre 50% ha 60%
	7
	Etre 1% ha 2%
	0,30%

Otto, eñvorennoù un arzhig kof plouz

Un deiz **ec'h erruas** David gant ur steredenn velen ouzh e borpant. Hag Oskar da c'houlenn ouzh e vamm :

«Mammig, gwelet' peus steredenn David? Daoust hag-eñ e c'halli ober unan evelti din-me ivez?

- N'hallan ket, **a respontas**, rak te n'out ket yuzev.
- Petra eo se, bezañ yuzev? **a c'houlennas** Oskar.
- Tud disheñvel eo ar Yuzevien. Ur relijion all o deus. 'Enep dezho emañ ar gouarnamant, ha vil e ra dezho. **Lakaet e vezont** da zougen ar steredenn-mañ evit o anavezout diouzh an dud all. Trist ha direizh eo kement-se-holl.»

Hag un deiz gwall drist **e voe** pa **zeuas** gwarded o mantilli lâr du, ha re all o lifreoù gwer, da gerc'hat David hag e dud. Un tamm a-raok bezañ kaset kuit ganto **e voen roet** gant David d'e wellañ mignon Oskar.

Aet e oamp neuze, Oskar ha me, war-lein ar pondalez-diavaez, da sellout e-barzh ar porzh. Ha **gwelout a rejomp** David e-mesk tud all e-leizh, gant pep a steredenn velen war o bruched. **Bountet e voent** e-barzh kamionoù ha kaset den ne ouie da belec'h.

Diaes e kave Oskar bezañ e-unan. Bep noz e c'houlenne ouzhin-me: «Gouzout a rez-te pelec'h emañ David?» Neuze e kroge da gaozeal eus an holl abadennoù plijadur hor boa bet asambles.

Un deiz trist all **a voe bet** an deiz pa **rankjomp** holl mont d'an ti-gar da gimidiñ diouzh tad Oskar. Galvet e oa bet da vont d'an arme ha kaset d'an talbenn e-lec'h ma oa ar brezel en e washañ.

Goude **e teuas** mare ar bombezadegoù. **Klevet e veze** ar bouderioù o soniñ ar galv-diwall diwar-lein an toennoù ha **ret e veze** deomp diskenn, buanañ ma c'hallemp, d'ar c'hav da glask repu.

*Diwar Otto, eñvorennoù un arzhig kof
plouz,
gant Tomi Ungerer, brezhoneg gant Mark
Kerrain*

Kontet eo an istor diwar savboent Otto, an arzh plouz. Perc'hennet e oa gant David, ur yuzev yaouank.

Goulennoù kompren

A – Diverrañ an destenn dindan 5 linenn.

B – Goulennoù

- 1 – Petra zo ouzh porpant David ?
- 2 – Ha kompren a ra oskar talvoudegezh ar steredenn ? Penaos e ouezez ?
- 3 – Petra a lavar mamm Oskar diwar-benn ar mod ma ra ar gouarnamant gant Yuzevien ?
- 4 – Petra a c'hoarvez gant David ha tud all ?
- 5 – Da belec'h e rank tad Oskar mont ?
- 6 – Petra a rank an dud ober pa glevont ar galv-diwall ?

CH – Skrivañ.

Distroet eo tad Oskar eus an talbenn, o paouez en em gavout er gêr eman. Petra a c'hoarvez? Skrivañ war-dro 20 linenn.

Frederig

Pennad : 1938, er poull-neuial, p.114-118

Goulennoù kompren

1 – Lakaet e veze ar Yuzevien da dud didalvez ha divarrek gant an Nazied. Peseurt elfenn (p 114) a ziskouez e oa Frederig un den barrek?

2 – Petra a c'hoarvez pa ya Frederig da gerc'hat e zilhad?

3 – Penaos eo emzalc'h implijad ar poull-neuial pa verz kartenn-anv Frederig?

4 – Penaos eo anvet dilhad Frederig gantañ? Displeg ar pezh a dalvez ar ger-se.

5 – Ha dont a ra Frederig a-benn da cheñch dilhad a-benn ar fin? Petra a rank ober?

6 – Petra a c'hoarvez pa verz an dud e vank ur marc'h-houarn? Piv a zo lakaet da gablus kerkent?

Enor d'an holl re, gant Daniel Doujet

A – Diverrañ an danevell dindan 20 linenn.

B - Goulennoù

1 – C'hoarvezout a ra an danevell e-pad an Eil Brezel-bed.

- ☐ Gwir eo
- ☐ N'eo ket

2 – Pegeit zo e oa bet dieubet Boursoulle-sur-Flume?

3 – Petra a ouezez diwar-benn Marcel ? Dastum kement titour a zo diwar e benn en destenn.

4 – Gant petra e veze lakaet diaes Marcel e-pad ar brezel ?

5 – Bet e oa bet Marcel er Rezistañs.

- ☐ Gwir eo
- ☐ N'eo ket

6- Abalamour da betra en doa klevet galv de Gaulle d'an 18 a viz Even ?

7 - «Biskoazh n'he doa bet chañs Boursoulle er brezelioù : ag ar brezel pevarzek e oa daet razh an dud en-dro pa oa bet lazhet tud a-youc'hoù e bourc'hioù ar vro.» Ha fent a zo er frazenn ? Perak ?

8 – Penaos eo taolennet gwreg Marcel ?

9 – Petra a gouezhas diwar an oabl e miz Even 1944 ?

10 – Petra a c'hoarvez pa verz ar soudarded ar paper bet dastumet gant Marsel ?

11 – Kemm añ a ra an traoù gant an amzer : petra eo deuet ar paperioù hag ar bistolenn da vezañ, hanter-kant vloaz goude an darvoudoù ?

Gerioù brezhoneg Gwened : leuniañ gant gerioù anavezet ganit

Brezhoneg Gwened	Gerioù anavezet ganit
àr	
èl	
ag	
é (dirak verboù)	
oc'hpenn	
get	
blez, hanter-kant vlez	

Ar skrivagner

Daniel Doujet (ganet e 1956) a zo kelenner war ar brezhoneg e Skol-Veur Roazhon 2. Skrivagner eo ivez, bet tapet Priz Langleiz gantañ evit e zastumad danevelloù Ur c'hi maget mat (2000, Embannadurioù al Lany). Kemer a ra perzh dreist-holl er c'helaouennoù Al Liamm, Al Lany hag Hor Yezh. Dalc'het en doa ivez e-pad pell ar gronikenn vrezhonek e La Liberté du Morbihan a-raok ned afe ar gelaouenn-se da get. Labourioù all en deus savet ivez, war fablennoù Jean de La Fontaine, hag adembann skridoù Job Jaffré “Etrezomp e brezhoneg”, a rae war-dro kronikenn vrezhonek La Liberté du Morbihan en e raok.

Rezistanted : Michel Mazeas (Douarnenez)

- 1 - War beseurt plasenn e krog an abadenn?
- 2 - Oc'h ober petra e oa Michel Mazeas pa oa degouezhet an Alamaned?
- 3 - Petra o doa soñjet ar yaouankizoù p'o doa ranket skarzhañ kuit?
- 4 - Petra a oa war ar skritell a oa peg e-tal e di?
- 5 - Ha petra a oa c'hoarvezet goude-se?
- 6 - Peseurt darvoud a oa lidet gant ar maouezed hag an Alamaned e 1943?
- 7 - Ha start e oa bet an traoù pa oa bet kaset d'ar C'hommandantur?
- 8 - Petra zo c'hoarvezet gant an daou zen anavezet gant Michel Mazeas?
- 9 - Pelec'h e Douarnenez e voe brezel bras?
- 10 - Peg eit en doa gortozet a-raok kontañ kaoz gant un Alaman en-dro?
- 11 - Petra a lavarfe Michel Mazeas d'ar yaouankizoù hiziv an deiz?

Dav degas respontoù klok ha doujañ da urzh ar gerioù

Rezistanted : François Moal

- 1 – Penaos e oa kroget François Moal er Rezistañs?
- 2 – Piv oa an tri den en doa dastumet?
- 3 – Ha deuet e oant a-benn da skarzhañ kuit? Perak?
- 4 – Petra a oa c'hoarvezet gant tud François Moal?
- 5 – Pet den a oa bet kondaonet? Da belec'h e oant bet kaset?
- 6 – Petra a oa bet lavaret dezho pa oant degouezhet eno?
- 7 – Diwar an dud kondaonet, pet a zistroas da Vreizh?

Dav degas respontoù klok ha doujañ da urzh ar gerioù

Furmoù boas bezañ ha kaout

1 - En destenn tennet eus Otto, eñvorennoù un arzhig kof plouz : adskrivañ amañ dindan an tri verb stouet ha tev :

Furmoù boas bezañ

Amzer-vremañ

e vezan
e vezez
e vez
e vezomp
e vezit
e vezont
e vezer (dic'hour)

gant rener dirak : me a vez, te a vez...

Amzer-dremenet

e vezen
e vezes
e veze
e vezemp
e vezec'h
e vezent
e vezed (dic'hour)

gant rener dirak : me a veze, te a veze...

Furmoù boas kaout

Amzer-vremañ

am bez/em bez
az pez/ez pez
en devez
he devez
hor bez
ho pez
o devez

Amzer-dremenet

am beze/em beze
az peze/ez peze
en deveze
he deveze
hor beze
ho peze
o deveze

Dibennoù ar verboù reizh en amzer-dremenet strizh. Skouer : tañva

Gour	Verb reizh : tañva	Bezañ	Kaout
me	tañvais	e voen	am/em boe
te	tañvajout	e voes	az/ez poe
eñ, hi	tañvaas	e voe	en doe, he doe
ni	tañvajomp	e voemp	hon doe
c'hwí	tañvajoc'h	e voec'h	Ho poe
int	tañvajont	e voent	o doe
(Ø)	tañvajod	e voed	e voe

Poelladennoù

A – Sevel pemp frazenn zisheñvel gant stummoù boas bezañ, amzer-vremañ pe amzer-dremenet da zibab.

B – Sevel pemp frazenn zisheñvel gant stummoù boas kaout, amzer-vremañ pe amzer-dremenet da zibab.

CH – Sevel pemp frazenn zisheñvel gant verboù en amzer-dremenet strizh.

D – Sevel pemp frazenn gant furmoù boas bezañ en ur gregiñ gant ar gerioù kinniget :

- 1 – Bep Merc'her**
- 2 – Da Sadorn**
- 3 – Pa**
- 4 – Bep dibenn-sizhun**
- 5 – Bep eil sizhun**

D – Sevel pemp frazenn en amzer-dremenet strizh en ur gregiñ gant ar gerioù kinniget :

- 1 – Dec'h**
- 2 – E 1997**
- 3 – Warlene**
- 4 – Er miz tremenet**
- 5 – E 1532**

Lec'hiañ war ar gartenn

Lec'hiañ ar c'hêrioù meneget er pennad-digeriñ

Sant-Nazer, Sant-Brieg, Enez Sun, Naoned, An Oriant, Brest, Roazhon ha Sant-Maloù.

